

Na osnovu člana 3. 6. Odluke Općinskog Vijeća o učešću lokalnog građanstva u vršenju javnih poslova, te stava III Zaključka Općinskog Vijeća od 26.12.2018. godine, Služba za obrt, razvoj, poduzetništvo i poljoprivredu, objavljuje:

JAVNI POZIV

Za održavanje javne rasprave o izmjeni Odluke o radnom vremenu u oblasti trgovine, ugostiteljstva, obrtničkih i srodnih djelatnosti na području općine Bosanski Petrovac

I

Obavještavaju se građani Općine Bosanski Petrovac, da je Općinsko Vijeće na 23. Redovnoj sjednici, održanoj dana 26.12.2018. godine, usvojilo, Nacrt Izmjene Odluke o radnom vremenu u oblasti trgovine, ugostiteljstva, obrtničkih i srodnih djelatnosti na području općine Bosanski Petrovac i donijelo zaključak da se objavi javni poziv za održavanje javne rasprave.

II

Javna rasprava o izmjeni Odluke održat će se u vijećnici Općine Bosanski Petrovac **12.02.2019. godine (utorak) sa početkom 13:00 sati.**

III

Javni poziv za održavanje javne rasprave je objavljen na oglasnoj ploči Općine kao i putem lokalnog medija – Radio Bosanski Petrovac.

Zainteresovani građani uvid u tekst Izmjene Odluke mogu dobiti u zgradi Općine na info pultu, a iste mogu preuzeti i sa web stranice općine www.bosanski-petrovac.gov.ba

IV

Sve primjedbe, mišljenja i sugestije koje pristignu na protokol Općine Bosanski Petrovac ili e-mail adresu općine opcina@bih.net.ba, predlagač će uzeti u razmatranje.

v.d. Općinskog načelnika

Esmir Brković, dipl.pravnik

Broj: 02/1-21-2999- /18

Datum: 31.01.2019.god.

Na osnovu člana 13. Zakona o principima lokalne samouprave u FBiH („Službene novine FBiH, broj:49/06) i člana 25. Statuta općine Bosanski Petrovac –prečišćen tekst („Službeni glasnik općine br:7/08), na prijedlog inicijative političkog subjekta Demokratske fronte, Općinsko Vijeće Bosanski Petrovac je na XXIII redovnoj sjednici održanoj dana 26.12.2018.godine, donijelo:

O d l u k u- NACRT

o izmjenama Odluke o radnom vremenu objekata u oblasti trgovine, ugostiteljstva, obrtničkih i srodnih djelatnosti na području općine Bosanski Petrovac

Član 1.

U Odluci o radnom vremenu objekata u oblasti trgovine, ugostiteljstva, obrtničkih i srodnih djelatnosti na području općine Bosanski Petrovac broj: 02/1-22-3817-/13 od 08.05.2014 u članu 4. Stav 5. mijenja se i glasi:

Nedjeljom trgovine na veliko i malo rade do 13:00 sati.
Zabranjuje se rad trgovina na veliko i malo državnim praznicima.

Član 2

Ova Odluka stupa na snagu danom donošenja i ima se objaviti u Službenom glasniku općine Bosanski Petrovac.

Broj: 02/1-21-2999-4/18
Datum:26.12.2018.godine

Predsjedavajuća vijeća
Dejan Prošić, dipl.ing.

